

凌曉五醫案精華

上海秦伯未編纂

暑病

伏暑內發。新涼外束。自肺胃干及少陽。先起寒熱作潮。繼則壯熱神蒙。煩渴引飲。胸脘懊惱。脈來弦數而滑。兩尺偏大。兩關短數。苔黃膩。四支厥逆。兩目悶瞤。便溏洩少。以脈參證。惟恐邪鬱不達。致上厥下脫之變。擬升提陽明宣解一法。是否如斯。附方即請高明酌正。

羚羊片 葛根 川鬱金 紫雪丹 竹茹 連翹 製川朴 通草 銀花露 薄荷梗

新會皮 益元散 車前草

熱病

病經旬餘。熱傷營陰。暑濕熱邪。深入厥陰。內熱煩渴。體力疲憊。眩暈昏黑。四支厥逆。時有潮熱。肌腠曾有白痞。未得宣達。風動痙厥。慎防厥脫之變。脈弦

滑數。按之均少神韻。治宜清心滌痰。兼平肝宣竅。

台參 鬚玫瑰花 全燉冲 嫩鈎藤 青蒿子 竹瀝 牛黃清心丸 真滁菊 石決明 真川

連拌 川鬱金 胆星 丹皮 硃茯神 薄荷 益元散

又 厥逆已平。喘汗已止。而肺津胃液。已被熱邪却耗。潮熱未退。大便挾熱旁流。左脇痞痛拒按。神疲支倦。不飢不納。脈虛數近弦。苔黃糙。治宜滋清以撤餘邪。還須節風避風。勿使反復。

台參 鬚玫瑰花 同燉冲 東白芍 青蒿子 車前草 小青皮 連心麥冬 左牡蠣 丹皮

生穀芽 金扁石斛 淡鱉甲 純嫩鈎 硃茯神

體稟陰虛。感受酷暑。熱邪蘊留陽明。加以風食擾動。始起頭疼惡寒。煩渴嘔惡。繼則身熱腕悶。熱甚神昏。肌腠曾現紅疹白痞。漸次透達。病經一月之久。肺津與胃液。已被熱邪消燦。前治一派蠻法。遂致陰分日耗。一日。所謂奪汗則無血也。今診脈象弦滑虛數。按之均少神韻。唇焦口燥。以脈參證。再延恐有喘

脫之虞。姑擬扶正化邪。冀其轉機。

台參鬚 玫瑰花同燉冲 天花粉 石決明 真川貝 珠黃散 連心大麥冬 鮮金斛

硃茯神 竹瀝菖蒲汁 鮮生地 丹皮 連翹 益元散 真西珀

· 浮 陽

二年前曾經咯血。火升欬嗽。由來日久。陰虛陽浮。不喻可知。入夏以來。感受暑濕。熱邪自陽明擾動肝陽。潮熱來時。相火妄動。遺精走洩。小便短赤。口渴神煩。前醫竟作溫熱論治。甚至服二角二鮮至雪至寶之類。津液從此暴脫。唇灰燥裂。舌起白屑。大便泄痢不止。內熱而飲不解渴。脈細如絲。將有喘脫之虞。勉擬壯水之主。以制陽光法。然鞭長莫及矣。

台參鬚 玫瑰花同燉冲 女貞子 鱉甲童便炙 炒秫米 車前草 麥冬米炒 東白芍

青蒿童便炙 鮮蓮子 霍石斛 左牡蠣 生熟穀芽 半貝丸

又 大便已結。內熱亦減。精神漸旺。而腰脊痛楚。脘室少納。眩暈體疲。此陰虛

也。脈尚濡小而數。兩關近弦。舌邊微紅。中後白屑已退而微黃。治從前法。略爲損益。

台參鬚 左牡蠣 地骨皮 生穀芽 車前草 金扁斛 淡鱉甲 硃茯神 生米仁

東白芍 陳青蒿 真川貝 鮮蓮子

□ 風 斑

脾欠健運。濕熱留着陽明。現值太陰濕土司氣。又加風邪擾動。風濕客於皮膚。汗出不撤。致成風斑。搔癢無定。經謂汗出見濕。乃生瘡瘍。瘡卽風斑也。脈弦數。治宜調理。佐祛風濕。

稀薺草 新會皮 丹皮 連翹 帶皮苓 生葛根 宋半夏 川革薺 淨銀花 蟬衣

東白芍 晚蠶沙 藁豆衣

□ 寒水襲肺

夏秋陽氣發泄。皮毛疎豁。偶逢暴雨。寒水之氣。內襲太陰。欬逆痰稠。遷延

日久邪鬱化火。釀痰。痰青咽痛。是其候也。脈右鬱滑近弦。病本在肺。何瞶瞶乎。竟從肝腎主治耶。擬從麻杏甘石湯法加味。度中肯綮。

水菰麻黃 炒兜鈴 炙紫苑 白茯苓 白杏仁 清炙草 薄荷紅 冬瓜子 冰糖水炒石
膏 旋覆花 絲瓜絡

■ 燥 症

體稟陰虛。水不涵木。肝膽氣火偏旺。木火凌金。肺失清肅。時在燥金司氣。加以秋燥。風邪乘虛襲入。風燥相搏。金受火刑。欬嗽見紅。咯痰色青。胸脇引痛。乍寒乍熱。內熱爲甚。今但燥欬。烘熱汗溢。明是陰虛陽浮之徵。脈濡小數。右寸關獨大於諸部。舌質光紅。中後微有黃胎。以脈參證。恐其陽絡血溢。現近霜降節候。慎防加劇。謹擬喻氏清燥救肺出入爲法。冀其退機。附方請政。

西洋參 杞葉 炙甘草 冰糖水炒石膏 玫瑰花 連心麥冬 真川貝 陳阿膠 鴨血炒
絲瓜絡 北杏仁 火麻仁 東白芍 經霜桑葉

□ 冬 溫

冬溫燥邪。自肺胃擾動肝陽痰飲。加以食滯壅遏。府氣升降不和。始起寒熱如潮。頭脹眩暈。骨絡煩疼。口乾嘔惡。繼則身熱無休。欬唾濁痰。神疲嗜臥。氣逆脘悶。時有譫語。良由痰熱自肺胃墊於心主宮城。心經受其客熱。清明之氣。爲邪濁所蒙也。按脈弦滑數兼見。左小弦數。舌胎黃糙。上腭滯膩濁痰。非白屑也。現屆冬至大節。平素操勞。心營自虛。以脈參症。如能痰氣順利。邪熱減退。卽是轉機。否則慎防喘脫之虞。姑擬清心滌痰。平肝降氣一則。附方請政。

西洋參 炒牛蒡 竹瀝 菖蒲汁 羚羊片 川鬱金 炒白蒺藜 連翹 旋覆花 牛黃清

心丸 杏仁 川貝 丹皮 青黛 石決明 霍斛 絲通草

□ 肝 胃

肝升太過。胃降不及。平素操勞。肝胃兩虛。肝膽氣火偏旺。氣滯不和。又加感受暑風。自肺胃擾動肝陽。肝胃氣失通調。脘痛脇脹。身熱煩渴。口乾嘔吐。骨

絡煩疼。眠食欠安。內經謂陰氣先傷。陽氣獨發。瘡自陰來者。謂之痺瘡。又云厥陰之爲病。苦寒熱是也。脈弦滑數兼見尺部濡數。舌苔黃糙少潤。脈證互參。切忌懨怒。怒則氣逆陽升。防有肝厥之虞。治宜清解暑熱。兩和肝胃法。冀其退機。另紙錄方請正。

連翹 青蒿 東白芍 川鬱金 車前草 銀花露 地骨皮 硃茯神 玫瑰花 鮮金斛
淡紫甲 純嫩鈎 薄橘紅

肝陰素本不足。肝膽氣火偏旺。操勞動肝。肝木與心火相爲煽動。肝與胃藏府相對。一勝一負。肝善升而胃少降。激動肝中濕濁痰飲。加以食滯壅遏。府氣始起寒熱腕悶。繼則左脇引痛。欬嗽身熱。骨絡煩疼。大便秘結。此病本在肝胃。而標在肺經。所謂厥陰之爲病。苦寒熱是也。脈氣六陽按左弦數而濡。右寸關弦滑數兼見。舌苔黃膩尖邊紅。治宜清熱豁痰。平肝降氣。附方請高明政之。

西秦莧 青蒿子 赤苓 玫瑰花 炙紫甲 地骨皮 方通草 東白芍 半貝丸 銀胡

金扁斛 絲瓜絡 柳楠香

吸咽之體。胃氣與榮氣並虛。夏秋暑濕。蘊留陽明太陰。脾經失運化之權。加以食滯壅遏。府氣轉化敗濁。下痢灰色。更衣裏急後重。晝夜登圜數十次之多。古謂痢積稱滯下是也。前醫謂其烟體。進藥一味辛燥。而氣火之勢益劇。是以裏急更甚。今診脈象左右三部弦數兼見。舌苔光紅。根後黃膩。以脈參症。正虛邪實。難治奚疑。拙擬宣氣導滯。利濕清熱一則。附方可否。請高明酌政。

生米仁 廣木香 紫厚朴 澤瀉 焦鍋巴 佩蘭葉 炒枳壳 半夏糶 車前草 金斛

大腹絨 赤白苓 茄楠香

噤口痢

痢經一月。赤白相雜。檢閱前醫數方。一派攻伐。遂致肝脾營陰受傷。腸胃脂膏殆盡。氣虛下陷。圍時後重脫肛。眼眶內陷。神煩全不思食。延成噤口重症。慎防汗喘虛脫之變。脈虛數近弦。舌苔光紅。姑擬人參石蓮飲爲法。冀其轉機。

台參鬚鮮佛手露青蒿露代水燉冲 江枳壳 地榆炭 澤瀉 紅白扁豆花 石蓮肉 東白芍陳壁土炒 煨木香真川連拌 車前草 真野朮陳壁土炒 阿膠藕粉炒成珠 抱木神辰砂拌 陳年糕片

單腹脹

濕熱侵脾。脾虛作脹。土不生金。肺失清肅。欬嗽便澹。單腹膨脹。青筋外露。脈雙弦而濡。治之非易易耳。

生於朮 大腹絨 陳香櫟 鷄內金 小溫中丸 炒枳實 新會皮 沉香糍 查炭 製香附 法半夏 赤苓 車前子

麻木

血不榮筋。加以風濕阻絡。陽明虛不能束筋骨以利機關。手指麻木不仁。左傳所云風淫末疾是也。脈小弦數。治宜和營以祛風濕。

米仁 西秦羌 帶皮苓 嫩桂枝 川草薢 全當歸 晚蠶沙 片薑黃 宣木瓜 杜紅花

鷄血藤 野桑枝

□ 着 痺

風寒濕三氣雜至合而爲痺。風勝爲行痺。寒勝爲痛痺。濕勝爲着痺。足筋痺由血不榮筋。寒濕下注陽明經絡而成。脈弦數苔薄白。治宜疎解。

米仁 西秦羌 帶皮苓 懷牛膝 川草薢 全當歸 晚蠶沙 虎脛骨 宣木瓜 杜紅花
垂下野桑枝 小活絡丹

□ 胃 欬

胃欬則虫動。虫動則嘔。非比痰阻肺氣爲欬。讀內經欬論自知也。脈右弦滑而浮。治宜降氣平肝理胃。

炙桑皮 新會皮 旋覆花 烏梅肉 薑汁炒竹茹 地骨皮 宋半夏 紫石英 焦麥芽
杏仁 赤苓 炒蘇子 左金丸

□ 三焦欬

脾虛留濕。濕痰阻肺。久欬不已。則三焦受之。三焦欬狀。欬而浮腫。脈象弦數。治宜降氣豁痰。

炙桑皮 帶皮茯苓 薄橘紅 地骨皮 葶藶子 象貝 冬瓜皮 萊菔子 路路通

□ 絡 痛

巢氏病源云。脇痛左屬蓄血。右屬痰飲。見症右脇引痛。氣逆痰稠。明是痰阻其氣絡。不主宣使。然脈右弦。左小弦數。治宜泄木和中。

旋覆花 全瓜蒌 宋半夏 赤苓 新絳 川鬱金 炒白蒺 玫瑰花 青蔥管 新會橘絡
絲瓜絡 薑汁炒竹茹

□ 牙 衄

少陰不足。爲病之本。陽明有餘。爲病之標。血不足。氣有餘。有餘便是火。齒是腎之餘。牙齦又屬陽明經脈所注。火犯陽經。血熱妄行。血自齒縫中流出。甚

且牙衄不止。去血過多。而營陰受傷。內熱神疲。四支痠倦。脈左小弦數。右寸關弦數而芤。舌胎光紅甚。且起有火泡。治宜壯水之主。以制陽光法。

米炒西洋參 東白芍 懷牛膝 鮮佛手黃衣 米炒大麥冬 左牡蠣 連翹壳 玫瑰花

大生地 粉丹皮 銀花露 鮮穀芽 帶心竹葉

久嗽

久嗽傷陰。已成肺痿。嗽曾失血。但吐白沫。咽痛喉痺。妨納飲食。五內煩熱。便燥溺赤。眩暈體疲。形肉羸瘦。積勞成之。候脈虛數近弦。姑擬滋清一則。冀其轉機。附方請正。

台參鬚 陳清阿膠 北杏仁 雪梨膏 冰糖水炒石膏 連心麥冬 炙冬花 川貝 酒炒

丹皮 生蛤壳 霜桑葉 冬虫夏草 枇杷葉 炒馬兜鈴 玫瑰花

喘逆

喘逆未平。略痰欠順。丹溪謂上升之氣。自肝而出。操勞動肝。肝氣橫逆。擾動痰飲爲患。年高病此是非宜也。脈濡滑近弦。舌苔黃膩。治擬平肝降逆。理氣豁痰。附方是否。以候高明酌政。

薑製西洋參 真川貝 覆花 真紫沉水香 蛤蚧尾 浮石 化陳皮 紫石英 絲瓜絡
白杏仁 戈製半夏 炒白蒺 竹瀝

■ 頭痛

血虛生風。半月頭痛。痛甚損目。目起翳障。潮熱口苦。心悸眩暈。眠食欠安。脈小弦數。治宜育陰潛陽。

西洋參 甘菊蕊 丹皮 玫瑰花 製首烏 歸身 石決明 冬桑葉炒 蔓荊 東白芍
硃茯神

■ 痰厥

暑濕風邪。釀痰化熱。自肺胃擾動肝陽。痰隨氣升。徒然厥逆。不省人事。牙

關緊急。手指搐搦。脈弦滑數。宜清心滌痰。平肝宣竅。

元參 連翹心 純鈞 陳膽星 鮮竹瀝鮮細葉石菖蒲汁同沖 羚羊片 川鬱金 石決明

青黛拌打 牛黃清心丸 薄荷梗 丹皮 硃茯苓 青荷梗

□ 怔忡

心體不足。心用有餘。肝爲心母。操用神機。肝木與心火相爲煽動。肝陽浮越不潛。徹夜不寐。心悸怔忡。有不能支持之候。脈弦滑數。左寸關長直。治宜清心和胃。佐以平肝。

紫丹參豬血拌炒 廣陳皮 硃茯神 川鬱金 捲心竹葉 元參 宋半夏 蒼龍齒

石菖蒲 豬膽汁 炒棗仁 石決明 玳瑁邊 元武板 鮮竹茹

□ 癲症

因驚外觸。激動肝陽。木火生痰。痰火二者。阻蔽肝膽胞絡之間。清明之氣。爲邪濁所蒙。心緒紛紜。神識時清時糊。俗爲嚇癡之候。治宜清心滌痰。安魂益

志法。

紫丹參豬心血拌炒 丹皮 蒼龍齒 陳膽星 真西琥珀 元參 石決明真川連拌打
元武版 鮮竹瀝鮮菖蒲同搗 川鬱金 淨棗仁 硃茯神 遠志肉 捲心竹葉

□ 狂 症

天時溫燥。陽明受之。釀痰化火。上擾肺胃。加以肝陽浮越不潛。陽氣皆併於上。夜無眠。歌哭聲怒。襲成癲狂之候。經謂重陽則狂是也。治宜清心豁痰。平肝宣竅爲法。

犀角盤 九孔石決明真川連同拌生打 陳膽星 鮮橄欖明礬同拌 丹皮 鮮生地汁

抱木茯神辰砂拌透 竹瀝鮮菖蒲搗汁和沖 生鐵落煎湯代水 蒼龍齒 川鬱金

酒客多痰。無非濕熱蒸竅而致。痰病延久。每多襲成癰厥之虞。蓋痰以陽明爲窟宅。加以肝膽陽升。痰鬱爲病。其變百出。誠如王隱君所云。今診脈象稟

質六陰。重按弦滑。舌邊微絳。中後黃膩。擬以黃連溫膽湯大意。未知妥否。

元參 化陳皮 全瓜萸 鮮石菖蒲 真川連 宋半夏 海石粉 川鬱金 炒枳實
硃茯神 焦山梔 鮮竹茹

又 舌絳脈滑數。陡然神識不清。妄言妄動。心無主張。目赤顴紅。不飢不便。此痰火風也。昨擬黃連溫膽法。未能獲效。此證治法。總不離乎清火豁痰。熄風安神之劑。仍做昨法。略大其制。以折其標。未識當否。附方候政。

元參 化陳皮 海石粉 陳膽星 礞石滾痰丸 真川連 仙半夏 石決明青黛拌打
川鬱金明礬拌打 枳實汁 全瓜萸 黑梔辰砂拌打 竹瀝鮮石菖蒲搗汁和沖

喉痧

爛喉丹痧。身熱腕悶。痰隨氣升。咽喉腫痛糜腐。肌腠已現風痧。未得宣達。適值經轉之時。熱入血室。熱盛神蒙。欬渴引飲。脈弦滑數。右寸關浮洪。姑擬辛

涼透解。以犀角地黃湯爲法。冀其轉機。否恐痰升內閉之憂。附方請專家酌政。

元參 連翹 犀角盤 懷牛膝 象貝 射干 炒牛蒡 鮮生地 赤芍 珠黃散 山豆根

川鬱金 丹皮 炒天蠶 碧玉散 鮮竹瀝 鮮細葉石菖蒲 連根搗汁冲 活水蘆根

喉痺

經云。一陰一陽結。謂之喉痺。古無喉科專門。故不分症。通稱之喉痺。夫一陰者厥陰也。一陽者少陽也。二經上循咽喉。君相火熾。結爲喉痺。良由榮陰內虧。水不涵木。木火上炎。先患目疾。繼發喉痺。同是一源之恙。所謂陰虛喉爲之患也。脈形弦數。舌苔邊紅中黃。治擬滋陰降火。內經又云。壯水之主。以制陽光。法也。附方請明眼裁之。

元參 肥知母 丹皮 硃茯神 枇杷葉 射干 鮮石斛 懷牛膝 象貝 鮮竹茹

山豆根 鮮生地 石決明 金果欖